

壺關縣志卷之二

疆域志

環治皆山也太行東跨中州西控上黨綿亘數郡延  
袤千里皆分其支秀而惟壺關一縣全據其脊誠東  
南一保障也我

國家休養生息山窟泉懸之區刀耕火種到處有人狗吠  
雞鳴傳聞無間自清野令行而崖居穴處者安於不  
識而不知暮布星羅者莫不相保而相受民際斯時  
真有山靜似太古日長如小年之樂矣綜其道路詳  
其里居作疆域志

壺關縣志

卷二 疆域

一

疆域

壺關縣在府治東南二十里至省會太原府四百八十  
里由潞黎入河南界經直隸順德府至

京師一千四百里

東西廣一百五十里南北袤一百二十里

東至河南彰德府林縣界八圪搭村一百四十里

西至長治縣界沙河村十里

南至澤州府陵川縣界後河村九十里

北至潞城縣界北干村四十里

東南至河南彰德府林縣界嘴則上村一百六十里

西南至長治縣界 寨村四十里

西北至潞城縣界 縣村三十里

東北至潞城縣界王庄村六十里

東至河南彰德府林縣治一百八十里

西至長治縣治二十五里

南至澤州府陵川縣治一百五里

北至潞城縣治六十里

東南至河南衛輝府輝縣治三百里

西南至澤州府高平縣治一百二十里

西北至襄垣縣治一百五里

壺關縣志

卷二

疆域

一一

東北至黎城縣治一百三十里

東經崇賢村十五里固店十里晉庄村五里常家池

村五里龍 村十五里羊蒐村十三里趙城村十三

里杏城村十三里玉峽關十三里杏園村三十里又

八里至八圪塔村人河南彰德府林縣界

東南經四家池村禾登村固村胥十里長寧村二十

里三郊口村二十里馬家庄十里窟頭村五里斛坡

村十里盤底村三十里玉皇廟五里橋上村各三里

大河村七里楊家池村十里馮家灣五 峽山站五

里至 則上村人河南彰德府林縣界

南經宋堡村十五里自陽護村至柏林村二十五里  
寨河村十五里方山村十五里馬安壑十里至後河  
村入澤州府陵川縣界  
西南經小山村十里宋堡村五里好牢村二十里大  
峪鎮五里至據寨村入長治縣界  
西經程村五里又五里至沙河村入長治縣界  
西北經大河口村五里集店村三里長井舖二里至  
西長井村入長治縣界  
北經壇後村五里睢庄村七里辛村八里苗庄村十  
里又十里至北干村入潞城縣界

壺關縣志

卷二

疆域

三

東北經南鳳村至大返頭又五里至王庄村入潞城  
縣界

形勝

壺關以其地形似壺漢嘗於此置壺縣面紫團玉峽之  
勝背龍溪鳳嶺之奇左縈風穴返頭之險右據馬鞍  
佛耳之雄萬嶂迴環諸峯羅列宛然一壺故名壺口  
又唐元宗詩壺關籠舊林因又名壺林云

壺關十景

團峯倚秀

佛耳摩雲

北極靈跡

翠微仙洞

玉峽通天

烏泉夕照

風穴秋音

琳宮仙筆

浮碧

梵宇神燈

按舊志載壺關之景十二割入他境多未確 因其無據者僅存其十今仍其舊

舖遞

在城總舖前在縣長井舖通長治

關隘

羊腸坂在縣東南一百六里 漢書地理志壺關有羊

腸坂長三里曲盤如羊腸然通典文獻通考輿地考皆同

榭林隘在縣東南一百二十里羊腸坂上山徑僅容人

壺關縣志

卷一 疆域

四

行通河南輝縣 戰國蔡澤謂應侯曰決羊腸之險塞太行之道又趙收天下以伐齊蘇厲為齊說趙王曰秦盡韓魏之上黨則地與國都邦屬而壤挈者七百里秦以三軍強弩坐羊腸之上即地去邯鄲二十里且齊以三軍攻王之上黨而危其北則勾注之西非王之有也又史記正義秦上黨郡今澤潞儀沁等四州之地兼相州之半韓總有之至七國時趙得沁二州之地韓猶有潞州及澤州之半半屬趙魏沁州在羊腸坂之西儀并代三州在勾注山之南秦以三郡攻趙之澤潞則勾注之南趙無地又後漢魏

趙國常山中山增六百一十六塢河內通谷衝要增三十三塢是緣太行諸郡縣而立塢以守也

十八盤隘在縣東南八十五里山徑僅容人行通河南

林縣楊家石塘口

上黨記東山在城東南  
晉申生所伐今名無羣

正梯隘在縣東一百一十里路通林縣形險似梯一名梯頭隘

龍盤山在縣西二十里有大小二嶺鳥道崎嶇嶺西尤險東傍羊腸西臨隋澗康熙二十八年平順知縣杜之昂自大渠村西至龍盤山又西至羊井鋪修道廣六七尺築攔馬牆

壺關縣志

卷二 疆域

五

玉峽關在新興二里花園村西高山峻嶺名風門腦下通河南林縣兩山峭立若玉峽然舊置巡檢今裁有營房一所駐兵五名

堡寨

崇賢堡周圍一百二十五丈四尺四面高崖深十丈舊稱險固今廢

辛村寨周圍一百二十丈七尺四面高崖深九丈今廢好牢寨周圍一百五十丈四面高崖深十丈今廢

山川

太行山在縣東南府志云太行山麓壺關與河南林縣

分界又云千里一片石 上黨之山皆太行山  
上黨居太行之巔而壺關又居上黨之巔凡壺 之  
上皆太行之支脉朱子所稱河北望之如黑雲在天  
半者即今花園梯一帶是也

紫團山在縣東南百六十里高二十五里盤踞二百二  
十里連太行山接林縣界古紫團真人修真地有翠  
微洞洞前有白雲潭巔常有紫氣團 如蓋山麓瀑  
布如噴玉如垂虹溪如環如箭深谷之中有殷雷絕  
巔之上有烈日昔產紫團參後絕 元致和中王冢  
三十六景詩有迎暘峯倚秀峯碧蘿峯老人峯金屋

壺關縣志

卷二 山川

六

山鴟尾山天杠摩崖山仙翁崖東華表西華表濯纓  
溪南極園駐雲亭 周一梧詩又有二仙翠微二洞  
白虎潭白雲崇雲雲蓋三寺又謂紫團山峭拔翠聳  
俯瞰雲烟中間瀑布流泉霞城洞府求之海內不可  
多得諸刹又創自隋唐而雲蓋先爲墜崖所壓僅得  
磨崖一碑至慈林有輔道三十六咏而已亡其十四  
舟車不通人跡罕至地主乏九方之識而山靈 鹽  
車之泣此語殊悲宜勒山銘 栗應宏遊紫團山記  
穿林木而上十里及慈雲寺觀元人三十六景詩碣  
慈雲石磴硃屈攀 而下爲雲蓋寺山勢四壁

瓦西連王屋東俯林慮諸峯南北相拱帶跨青蓮白  
泉之勝爲太行樞要復繇東峯入屏山遮地卽爲參  
園歷西筆峯復西轉觀瀑布采藥飲泉而歸數日復  
陟西峯石局 雲蓋峯在紫團山以雲蓋寺名又山  
畔有慈雲寺胥唐時名刹 翠微洞紫團真人面壁  
地也洞口劣狹容一人偃僂入轉身而下側足而行  
高低寬隘倏變山水與人間無異水源如縷如綫如  
盞如碗石髓上騰爲鍾乳如檳榔葡萄穗垂地如玉  
柱巨至合抱坐如瞿曇立如阿修羅虎豹遊龍閃爍  
幻旁穴歧徑旋轉卽迷深闇或燭不能燃莫窮其

際相傳直透太行外數百里云 鳳臺山在紫團山  
西二十里樂氏二仙冲舉於此周一梧志西來諸山  
至此忽變莊嚴峭拔翱翔飛舞至於山巔萬壑梳風  
羣峯冒日一望海天杳然無際 櫻桃掌在紫團鄉  
抱犢山在縣南四十里高十三里盤踞七十五里 五  
朝志上黨縣有羊頭山抱犢山文獻通考金史胥謂  
在壺關境內  
按隋志上黨縣有抱犢山是時壺關拼入上黨應在  
壺關境內潞安舊志云爲陵川縣所割河南林縣志  
云在大頭山之西卽林慮之 嶺抱犢固也按大

頭山在魯班門西北魯班門即虹梯關舊屬壺關  
今玉峽虹梯一帶當即古之抱犢山舊志云林縣在  
紫團之東陵川在紫團之南與壺關中隔大山爭引  
抱犢俱爲未確紫團山秀絕人區何以漢唐以來絕  
無遊賞地志亦未及此府志以爲宋以後之紫團疑  
即唐以前之抱犢其說近是

羊腸坂在東南一百六里盤如羊腸然

按戰國策史記前漢書地理志魏武帝詩劉長卿詩  
俱在上黨惟隋書煬帝據皇甫士安地書云在太原  
北九十里後世學者因不細考而不知太原北乃羊

壺關縣志

卷二 山川

八

腸山而非羊腸坂也史記趙世家蘇厲遺趙王書云  
秦以三郡攻王之上黨羊腸之西魏武帝詩云北上  
太行山艱哉何崔巍羊腸坂屈曲車輪爲之摧時帝  
北征將拔壺關時作也若以羊腸在太原之北則自  
太行山至太原中隔霍山安能相達又劉長卿太行  
苦熱行去朝辭羊腸坂夕望具邱郭漳水斜遶營常  
山遙入幕夫清漳濁漳皆發源於上黨與太原風馬  
牛不相及按圖考籍未可淆也

山在縣東二里遞高三里盤踞十八里 上黨記東

山在城東南晉申生所伐今名無羣



馬駒山在縣東十里高五里盤踞三十五里 唐志上  
黨有馬駒山相傳石勒時有人獲一石形似馬駒因  
名

窟窿山在縣東南庄則村土人燒石以通林縣之道約  
八九十步如洞穴然其中黝昧騎者必下勃窣蹒跚  
以行約半里許

靖林山在縣東七十里

龍山在縣東南五里遞高三里盤踞二十里

鳳山在縣東南五里遞高三里盤踞三十一里上有鳳

山浮圖

壺關縣志

卷二 山川

九

龍石山在縣東南七里遞高八里盤踞三十五里山巔  
石上有龍形祈雨多應

紫巖山在縣東南十三里遞高三里盤踞三十五里巖  
石紫土人名石巖頭

烏泉山在縣東南三十里遞高八里盤踞六十三里山  
半有泉伏流土色黑因以名山

安公山在縣東南七十里接陵川界遞高九里盤踞六  
十四里相傳比邱安公隱此未期年卒俄而巔出石  
棺里人收葬之

麥積山在縣東南七十里以形似名

五指山在縣東南八十里遞高二十里盤踞一百二十  
八里連太行山接林縣界

赤崖在縣東南九十里

龍泉山在縣南二十里遞高三里盤踞十八里山胥青  
石中有砂石五丈

黃山在縣南二十八里遞高八里盤踞四十二里山色  
黃明崇正六年生白脂民取以食名黃山麵

石魚坂在黃山後天新雨上輒有五色魚現

樓峯在縣南三十里黃臺絕頂邑南境最高峯乃馮  
之亥山也昔人嘗以多寶崇壽名之相傳古有高樓

壺關縣志

卷二 山川

十

址存

佛耳山在縣南四十里接長治界相林鎮遞高十一里  
盤踞六十二里邑人張鐸摩雲寺記粵惟佛嶺秀出  
壺關視地無垠與天爲黨蕭蕭陰壑鬱鬱喬林絕頂  
難攀纖塵不到若爲登百仞之嶠遂將渺萬井之區  
信潞境之具瞻太行之支秀也

鸞山在佛耳山迤東一里許山嶺有北極祠

趙屋嶺在縣南六十里上有鐵鑛又產赤白石脂

赤壤山在縣南六十里遞高八里盤踞三十五里地

形志壺關有赤壤川其地寒而早霜

神山在縣城西南一里遞高二里盤踞二十二里

高望山在縣西南一里遞高三里盤踞二十五里即南

壇山唐武德四年置壺關縣於高望堡

黎嶺在縣東北二十里相傳即黎侯國舊地

栲栳山土名革栲山在縣西南四里遞高五里盤踞二

十五里形似栲栳

大峪嶺在縣西南三十里上有鐵鑛

北鳳凰山在縣北十五里遞高五里盤踞三十五里魏

太平真君九年二月西幸上黨詔於壺關東北大王

山累石爲三封又斬其北鳳凰山之南足以斷之

壺關縣志

卷二山川

十一

壺關山在縣西北五里接長治界遞高三里盤踞二十

二里山形似壺  通典有壺山

龍溪山近壺關山上建  玉皇廟

檀山在縣東北三里遞高三里盤踞二十五里唐徐王

元禮爲潞州刺史常逐白鹿至此

風穴山在縣東北二十里遞高十里盤踞七十里西有

石竅深不可測聽之常有風氣

詳壇廟

純山在邑東十五里崇賢村聳然特立四無連絡又名

孤山乃風穴廟岸山也周圍村庄恃爲屏障歷奉官

禁立有碑記

臥虎山在地南頭村山有青草泉數道涓涓時出雖大旱不竭

三壅山在縣東南九十里遞高二十五里盤踞二百四十五里山勢壅障者三下有水名壅水東南入林縣界 地形志刈陵有三壅山

鐵鼓山地形志壺關有羊腸坂靜林山微子城鐵鼓山五馬門令狐徵君墓

鴉門子山在東南鄉山最高人跡罕至上有廢寺舊有銅佛像十餘盡爲土人攫去又繞山有堡砦遺址

清涼山在安善一里山上建清涼寺故名

壺關縣志

卷二 山川

十一

北珏山在縣北二十里山西北南三面連長治潞城平順層巒秀聳中峯 祖師廟東椒石獅突起昂首拔出峯上四足作盤攫欲前之狀尾紆山麓背脊宛具每值雨霽雲霞罨靄極爲奇觀數里外了了可見

大王山在縣東南二十三里高十五里周八十五里即高歡屯兵處 北齊紀魏真君中內學者秦上黨有天子氣云在壺關大王山武帝南巡以厭之壘石爲三封斬其北鳳凰山後上黨人居晉陽號上黨坊神武實居之及神武請就食山東舍大王山六旬而進後唐太宗亦潛龍於此

獅子嶺在縣西北八里北庄村嶺半有赤石如獅子形  
鄰村惡有吞噬之狀謀潛擊之夜率百餘人令數人  
往擊餘聚嶺下以拒村人擊者於火光中宛見血跡  
衆亦若聞有鳴金納喊聲懼而歸其實無有村人皆  
不知也相傳其靈異如此因以名嶺

杜公嶺舊名龍盤山有大小二嶺鳥道羊腸致爲崎嶇  
康熙二十八年平順知縣杜之昂捐貲雇匠屬役自  
大渠村至龍盤山又至羊井鋪約三十餘里修治山  
徑畝者平之窄者寬之曲者直之缺者補之其嶺西  
尤爲險阻道僅尺許東傍山腰西臨深澗且纍纍頑

壺關縣志

卷二 山川

十三

石斧斤難克杜令親爲踏勘指點工人鑿石開道  
六七尺不等臨崖立欄馬牆行者不患傾跌士民感  
頌立碑以志名曰杜公嶺又慮自縣至羊井鋪五十  
一里人烟稀少泉源缺乏行人多渴乃捐俸於嶺東置  
買民中下地十二畝一分中地二畝屬土人耕種使  
收地之利施茶給以硃批印照糧則官辦立石爲記  
壺谷漢靈帝時諫議大夫劉陶上疏曰方今三郡之民  
皆已奔亡南出武關北徙壺口 章懷注三郡河東  
馮翊京兆也壺谷壺關之谷在上黨也 府志  
清河出縣東南東井嶺西北流滙南境出澗及長治

東南山外諸水過宋堡村入長治界 府志

石子河一名壺水起縣東七里村西逕崇賢村又西逕馬駒山北又西逕城北納清流川曰大河口又西流入長治縣界 府志

渠頭溝在縣南三里當要道之衝今改道於龍塘河

清流川一名進流川在縣西南三里滙西山諸水注城南惠澤池由城隍而東注又東北至大河口入石子河

壅水出三壅山下東流入河南林縣界

壺水在縣西北二里壺關山下發源北流經長治縣西

壺關縣志

卷二 山川

十四

北注濁漳後涸

盈盈水源出紫團山東流出太行入林縣界曰合澗口五指河源出縣東南東井嶺東流逕馬家庄東至紫團山南名五指河又東逕庄則村盤底村又東南至河郊口北會後山溝水又東南逕大河村津道稍濶又東南至馮家灣入河南林縣界 府志

沾水 漢地理志壺關有沾水東至朝歌入淇

按舊志引漢志在此但水經注云清漳水出上黨沾縣西北少山大黽谷南過縣西又從縣南屈注又云分沾縣爲樂平郡治沾縣水出樂平郡沾縣界今

樂平屬平定州秦漢則 上黨 上黨壺關澡時無  
專名故有沾水之說 至云東至朝歌入淇水經注  
云淇水出沮如山又東北沾水注之水出壺關縣東  
玷臺下石壁崇高昂藏隱天泉流發於西北隅與金  
谷水合金谷即玷臺之西谿也東北會某水又東流  
注沾水此云沾水入淇殆不可曉 舊志  
花水出縣東花園村山麓水石相激潺湲有聲東流  
入林縣界

烏泉迤東有松林一帶斜陽照之則山石皆赤所謂烏  
泉夕照也因土色黑故名山半有泉伏流

壺關縣志

卷二 山川

十五

赤崖流泉在縣 南九十里巖有石洞深一里內出  
甘石洞口有泉以土色赤名

好水泉在新興二里羊圍子以水甘故名

濯纓溪在紫團山

黃山村泉在縣南二十八里黃山村北山麓下出流注  
於本村石橋下村人汲飲之其味甚佳

橋樓淙在紫團山山徑峭絕下視深壑衆流奔匯

蒼龍洞在新興二里深半里有靈湫

五龍井在縣西五里程村山頂五井相連深不及丈水

清味甘大旱不竭每逢

水於此 應

延澤池在縣西北八里北庄村因爲村之來龍欲其澤  
延遠故名

沿道平井在北庄村石子河有數井水甚甘禱雨立應  
濟旱池在固村修池碑記詳載藝文

龍雨池武有備記縣境北方則龍溪山也山形偏西故  
左向建龍鬚橋橋東爲龍雨池水門即山麓石級疊  
派宛若天造周計五畝餘深計二丈許

詳藝文

西池在縣西門外康熙年間鑿

章公堰在東北城濠康熙二十一年知縣章經捐貲築堰  
障水土民德之立石以名

壺關縣志

卷二 山川

十六

燕子池在縣治東南隅即甘泉池明景泰初知縣蘭興  
濬綠蘋蒲池四季常碧他池則無所謂燕池浮碧是  
也

李郭井在甘泉池側共四井

惠澤池在南門外壺關地高峻鑿井甚難明洪武九年  
縣丞郭柏濬知縣張鯤繼修至

國朝順治間久湮知縣朱輔創開康熙年知縣章經重修  
勒石爲記載藝文

按壺地居上黨之東偏無瀕河之田岡巒巨互溝澮  
溉灌之利固未易言即民間飲啄漱浣亦苦難給盖



地處高燥河漲而易涸井深而難浚一經歲旱綆之艱難以言狀然易之蒙象云山下出泉白虎通云水之陰氣在黃泉之下任養萬物豈壺邑獨異於古所云耶近今各處村庄相形鑿池設計蓄水於井養不窮之義頗爲得之舊志謂在司牧者諭導有方信哉

古蹟

令狐徵君隱城東山中令狐終卽爲家焉諸生尊爲師法陪葬者三百餘家松千株大皆數十圍高四五十丈今俗名其山爲令狐墓

上黨郡記

壺關縣志

卷二 古蹟

十七

按府志茂姓令狐自當以後漢郡國志注爲據不必近取唐人墓志且所云夾輔周室及封爲三老之二語殊俚謬恐係僞撰漢上黨治長子故城在今長子之西南據上黨記云茂隱城東山中卒葬其地去郡六十里則非崇賢之純山明矣姑存以俟考

抱犢山在壺關縣上黨東南地高七十丈有石城高十丈方一里南角有草名玉枝冬生花高五六尺味頗甘取其葉末服之方寸二三日不饑宜五穀多食物無惡毒寇賊不至俗云後魏葛榮亂民抱犢入此山

通書  
記

檀山在縣東北三里唐徐王元禮兼潞州刺史獵於檀山下逐白鹿至縣東二里許隱於穴中因立白鹿觀於此

陽護城在縣東二十六里今陽護村慕容永據長子時築

益陽城在縣東南六十里今城頭村慕容永築以拒慕容垂址湮

臯落氏故墟上黨記東山在壺關城東南晉申生所伐今名無羣又樂平縣東南三十里亦有臯落村

潁陽崗縣治後魏嘗置縣址存

壺關縣志

卷二 古蹟

十八

羊腸坂漢志北魏志胥云在壺關縣

五馬門北魏志壺關有五馬門

高望堡唐武德四年析上黨縣置壺關縣於此貞觀十七年移置進流川即今治

二仙廟碑在神郊村舊廟在南山麓水侵蝕壞廟近居民移於北山麓碑刻頗多其隨廟移者過半大者棄

田中文字尤佳

府志

赤壤川北魏志其地寒而早

參園即南極園在紫團山石間生參似人形一名人銜一名神草大者徑尺小者六寸舊傳有服參飛仙者

本草亦名紫團參爲上今已而田矣

黎亭漢志壺關縣有黎亭

軒在縣治廳事東宋縣尉陳留范鉞建康寧四年七月一日撰記今碑石現存縣署二門壁間

駐雲亭紫團山三十六景之一宋王輔道有詩

王輔道紫團山詩石碣以揭本累僧碎之埋於山麓後人踪跡掘之止得八石嵌於慈雲寺壁間後止存四石縣令朱輔移置學宮今又亡其三惟存一石嵌壁間邑訓導呂天培有跋邑人王遐齡書詳載藝文

磨崖碑三十六景之一縣崖上鐫古籍書宋王輔道有

壺關縣志

卷二 古蹟

十九

詩在雲蓋寺西崖

按張鐸紫團八景詩序王輔道詩半存得景二十有二取其尤彰彰者列爲八景橋樓淙即輔道仙翁崖也雲蓋寺即駐雲亭也照壁山即屏牆山也倚秀峯乃照壁前山最高而秀者輔道所著今名無稱焉濯纓溪輔道所著名磨崖碑舊名與今同將軍峯東西二華表也其詩云招提依絕壁門拱二將軍即此

櫻桃掌在紫團鄉宋大觀三年李元儒樂氏二真人封號記北於寺之東南幽谷間曰櫻桃掌得真人父母之墓其碣乃乾寧甲寅歲所作是時真人之親喪久

矣真人降神於巫命改此兆符驗之應其事有五

紀父母諱氏而不及其他

按冲惠冲淑二仙由陵川移居紫團鄉益陽里

按府志載冲惠冲淑二仙由陵川移居紫團鄉益陽里與縣志載屯留人其先世居陵川之說小異

照城土名趙城在縣東七十里慕容永築以拒慕容垂者

拙庵在縣南紫團鄉洪武初邑人杜敦依山築以自居因扁斯名有記紀其事

麗澤齋在縣境潞州學正邑人申甫築爲遊息之所杜敦爲作記

壺關縣志

卷二 古蹟

二十一

勤政堂在縣治後明天順二年知縣楊動建

呂仙筆在靈顯觀世傳呂純陽遊此書係平順併入

周華陽君馮亭墓在壺關城西五里馮衍顯志賦瞰太

行之嵯峨兮觀壺口之崢嶸悼邱墓之蕪穢兮恨昭

穆之不榮章懷注太行山在上黨南壺口山在上黨

東衍之遠祖馮亭爲韓上黨守以上黨降趙趙封亭

三萬戶號華陽君死因塋上黨其墓在今潞州上黨

縣西衍在關中遙相望之即序所謂通視千里覽見

舊都者也

通志

三老令狐茂墓在縣東二十里崇賢村明劉龍有

碑邑令朱輔及章經重修

太尉周亞夫墓在三老墓前

按史記亞夫周勃次子河南卷人封條侯下廷尉不食死墓不應在此土人得石碑知爲亞夫墓府志不載舊志未知何據

唐苗氏瑩左相苗晉卿自爲父撰碑文有鵲巢碑上賊入上黨焚蕩畧盡而苗氏松檟獨無傷

太師苗晉卿墓在龍溪山北

霍處士墓在城南七十里名良河東霍邑人子孫於此聚族故名霍村

壺關縣志

卷二 古蹟

二十一

元廉訪馬繩武墓在縣北二里龍溪山下有 仲碑文

秘書張時髦墓在縣南一里有碑記

王孝婦劉氏墓在縣白沙村王天祜妻

段志元墓在縣南二十里安縣村

明四輔杜敷墓在縣東南林青村

榜眼郭翀墓在縣西柏林村

翰林張鐸墓

知府楊能墓

參政楊竒墓胥在縣西柏林村

郭端孝墓在紫岩山下

國朝御史楊四重墓

知楊四易墓胥在縣西柏林村

物產

昔先王辨天下土地之宜而布其利於是任地作貢  
壺關居萬山之中物產之富固未易言然地處高寒  
而近今來牟之利漸廣絲筐入貢而在野蠶桑之種  
無聞蓋昔之所有或為今之所無不可拘也今據所  
有以著於篇

穀之屬

黍 稷 粟 小麥 大麥 蕎麥

壺關縣志

卷二 物產

二十二

麻 黑豆 豌豆

果之屬

桃 杏 棗 榛 梨 花紅

李 柰

蔬之屬

茄 芫荽 芥 瓜 瓠 白菜

蘿蔔 韭 葱 蒜 菠菜 芹

扁豆

草之屬

葵 萱 茆香 紫草 荻 葦

木之屬

楊 柳 松 栢 榆 槐 楸

桑 檀

禽之屬

山鷄 雉 石鷄 鴉 雀 鵲 鴿

獸之屬

兔 狼 狐

藥之屬

人參 出紫團山 赤石脂 白石脂 桔梗 蒼朮

藁本 半夏 黃精 天南星 防風 柴胡

壺關縣志

卷二 物產

一二十二

前胡 貫仲 茅香 欵冬花 黃芩

貨之屬

絲 綿 鐵 爐 甘石 赤崖山出 粗磁器 煤

舊志壺邑氣候高寒麥五六月始熟比刈麥種他穀則時已過種蕎則畏早霜種菜艱於灌溉通較不種他穀故種者殊少夫粒烝民者惟來牟故春秋無麥禾必書而壺邑不收麥之利此生計所以薄也所恃者惟春耕秋收之穀幸遇順成民猶稍可自給不幸而遇旱乾冰雹之災秋成無望直待來秋此一年之中民其何以生活哉然則禱而禦雹之方固官

土者所宜講求而一經偏災爲蠲爲賑尤宜懇切以爲民請者也且他產亦無珍異凡志所載皆隣境所俱有又或古有而今無記風土者不過循舊例書如必按志以索則斯志適以病民矣且如程村進流業

磁

燒缸盆粗碗之類

南鄉業煤炭大峪馮坡等處業鉄劊礦

石

石鎔爲生鐵再鎔爲熟鐵

之類乃貧民至苦生計今地產漸微

路多險巖商賈鮮集其爲利也幾何聞前此有倡爲按窑加稅之說者慎勿仍之以重困瘠土之民也

舊志

按壺邑物產類多古有今無舊志以爲循舊直書則斯志適以病民旨哉言乎今詳考之穀之屬豌豆不

壺關縣志

卷二 物產

一二十四

出即來牟二麥近來其種漸廣獲利亦豐然惟平疇有之崗巒磽瘠之地不能也果之屬梨與花紅李柰不出蔬草之屬僅有蘿蔔荻葦而所產無多木之屬楸與桑檀不見藥之屬人參茅香無有貨之屬載有絲綿而壺邑並無桑柘所辦黃絲購於他邑惟在官知之於民無與焉詳書篇後並附人參彙說以免斯民他日之累云

人參彙說

考方書人參種類甚多惟產上黨紫團山者爲紫團參最爲上品舊傳昔有服食飛昇者歷代入貢逮



初高帝詔止之唐韓翊送客之上黨詩曰官柳青青  
疋馬嘶迴風暮雨入銅鞮佳氣別在春風裏應是人  
參五葉齊周繇以人獲遺段成式詩人形上品傳方  
志我得真英自紫團慚非叔子空持藥更請伯言審  
細看宋蘇東坡紫團參詩谿訝土門口突兀太行頂  
豈惟紫團雲實自俯倒影剛風被草木真氣入苕穎  
舊爲人銜芝生此羊腸嶺據此則紫團參之爲古今  
珍重可知然今其園既墾而田求之高崖絕壁亦不  
多見闐闐間所市者皆黎城種參而壺邑則無之即  
有亦不過蔓草之類耳按名索實失之遠矣

風俗

考程之昭潞志拾遺上黨地居韓趙化習唐虞土瘠水深風醇俗厚由來遠矣而晉川懷白兩志已謂漸趨奢侈惟壺關尙有不盡然者蓋安貧守儉力田務本瘠土好義斯邑號爲近古其他歲時伏臘吉凶之儀與各屬則畧相同書不云乎惟上所令從厥攸好況逢

國家化民成俗道一風同自不難駸駸乎還淳而返樸矣  
詳錄風氣著於篇

禮儀凡朝賀祭祀迎春鄉飲載在會典者不具錄

壺關縣志

卷二 風俗

二十六

冠禮

久廢

婚禮

初議婚壻家求親友爲媒往來通言間亦用三姑六婆

定婚日各將壻婦所生年月日時支干書諸絳帛或紙設席讌媒令其往來相易先男後女謂之取四柱亦古問名之遺意也庶民或送錢數千或首飾一二事士大夫之家則牽羊送酒菓盒鷄禽之類

納幣巨室費不逾百金貧民僅錢數千至期壻家注

婚者親詣女氏 柬 送女氏主婚者拜受是日冰  
人姻親畢會女氏設席禮賓盡歡而罷

婚之期親迎以貧富爲分別富者多行親迎禮貧者  
多不能親迎兩家或各浼一婦盛服乘輿先後新婦  
謂之娶送女客他若告祠醮命奠雁合巹諸儀頗近  
於古

喪禮

送死多厚於奉生頗合慎終之義含殮窆賻旌誌  
翼遵古禮者六七惟浮屠陰陽之說未能盡草富室  
用梨園送殯今猶有沿其舊者

壺關縣志

卷二 風俗

一二十七

祭禮

士大夫家建立家祠四時分至致祭元旦端午中秋  
重九各薦時食逢忌辰誕辰皆特祭清明則墓祭皆  
遵文公家禮庶民每值令節或祀於寢或祀於墓歲  
時不廢

燕會

鄉黨序齒惟遠賔別序俗從儉不爲非時之舉

慶弔

嘉則有慶行餽儀凶則有弔行賻儀各隨厚薄根  
其俗尚爲近古

附歲時

立春迎春鞭春及春盤春餅海內俱同

元旦春帖鍾馗桃符爆竹椒酒拜賀俱與海內同

五日送窮雖韓子辯之甚悉然鄙俗不能革

人日送綵勝遊宴

上元蒸麵繭以祀蠶姑作粘種以祀穀神其元宵燈火

與海內同

添倉在二十五日倉庾庖厨燃燈添供俗令也

中和節二月一日出穀

引龍二日俗謂龍擡頭以秫粉剪餅餽女氏

壺關縣志

卷二 風俗

一二十八

花朝士人宴遊亦與海內同

社日多造社酒社糕城中士女亦以此日走社

三月三日俗以此日爲祓除殊失上巳故典

寒食晉俗爲介子推斷火一月老幼不能堪周舉爲并

州刺史移書介廟斷火三日魏武帝以太原上黨西

河皆寒沍不堪斷火盡除寒食而今尚留其名

拜掃在清明墓祭也民間有鞦韆紙鳶之戲

浴佛四月八日僧寺設淨水法筵香火甚盛

端陽艾虎角黍長命縷與海內同更以麥麵爲 與

角黍山餽送婦女剪綵縷金爲花草鳥虫相

六月六日曝衣與海內同牧養之家祀享於羊馬牧中  
伏日爲避暑飲

七夕乞巧與海內同

中元薦麻穀於先祖以楮帛製爲寒衣焚化之或修齋  
誦經曰追薦造麵羊以餽女氏

中秋設瓜果拜月與海內同

社日禾稼將登士女走社視春更盛

秋日報賽村中各演劇酬神大社庄兼有擡閣之戲以  
華麗奇巧相角勝負雖俗近奢靡然於報本返始之  
義尙近

壺關縣志

卷二 風俗

一二十九

重陽登高賞菊與海內同造麵爲節糕相餽

下元十月初一日俗以是日與清明中元爲三鬼節皆  
祭先祖士人家亦祭族厲農家於是勞農休息曰閉

場門

冬至俗缺拜賀之禮

臘月五日喫五豆同後臘八粥

臘八臘月八日也取肉汁煮白粲加棗栗榛杏以爲糜  
曰臘八粥以秫粉剪餅祀先祖相問遺

祀 臘月二十四日也錫祭與海內同

除日守歲與海內同俗於是日多婚娶以新舊交承無

忌非也

以上七縣畧同  
照府志載入

按舊志壺地居太行之巔土燥而風勁故其人性急  
心直鮮優柔和易之風其君子重然諾其小人好鬪  
輕生易見德怨勤於持家而儉以自奉有唐風蟋蟀  
之遺故丈夫出而行賈健婦持門必耕而自食食極  
粗糲如豆葉麥麩之類得飫即以爲足牧斯土者苟  
能憫其儉而養之以惠因其質而進之以文移風易  
俗較之奢靡澆漓之習固未可以等級言矣

舊志

紀事

志郡邑者必有紀事蓋仿綱目之例直書其事而予奪自見亦紀月編年之意也而紀事之大無過兵戎至災祥之書以天道之盈虛驗政治之得失其事亦有不可略者壺關居上黨上游當三晉兩河之衝爲歷代用武所必爭故武事載於史冊爲最詳雖災祥自元明以前不無缺畧然搜諸典故訪諸傳聞姑就可考者合著於篇不亦信而有徵乎作紀事

商封同姓爲黎侯紂爲黎之蒐西伯戡黎

舊志壺關有黎亭

春

秋時赤狄奪黎侯地爲潞子嬰兒國

壺關縣志

卷二 紀事

三十一

漢陽朔二年秋關東大水流民入壺關口

舊志無

建安七年袁尙將郭援囚絳州守賈逵於壺關祝公道夜盜出之

曹操圍壺關降之操圍壺關下令曰城破皆坑之曹仁諫以爲圍城必開其生路今許之必死將卒畏死固守非善計也操從之遂降其城

十年冬十月高幹以并州叛執上黨太守守壺關口十一年正月曹操遣李典樂進攻之未下遂親征克壺關幹走荊州上洛都尉王炎捕斬之

晉永興元年劉淵遣子聰及石勒寇壺關劉琨遣護軍

黃秀救之勒敗秀於白田秀死之 陷壺關

永嘉二年王彌與劉聰共攻上黨圍壺關以石勒爲前鋒都督晉并州刺史劉琨遣護軍黃肅韓述來救聰敗述於西澗敗肅於封田皆殺之會晉王曠兵復敗於長平上黨太守龐淳以城降

太和四年燕敗騎侍郎郝晷給事黃門侍郎梁琛相繼如秦侍中太尉皇甫真疏言苻堅有窺上國之心洛陽太原壺關皆宜選將益兵以防未然尙書左丞申紹亦言宜移戍并土控制西河南堅壺關北重晉陽燕主暉俱不省

壺關縣志

卷二 紀事

三十一

大和五年六月乙卯秦王堅送王猛於灞上曰今委卿以關東之任當先破壺關平上黨長驅取鄴所謂疾雷不及掩耳也七月秦王猛攻壺關楊安攻晉陽王猛克壺關執上黨太守南安王越所過郡縣皆望風降附燕人大震九月楊安攻晉陽晉陽兵多糧足久之未下王猛留屯騎校尉苟萇戍壺關引兵助安攻晉陽

秦幽州刺史王永進屯壺關遣使迎苻丕於鄴時丕爲慕容垂所圍永亦爲垂將所敗永率衆三萬屯壺關招丕不率鄴城男女六萬如潞州



秦將張蚝王騰迎符丕於上黨據晉陽即僭位

符冲守壺關

符丕使楊輔守壺關

丕欲轉兵西據平陽故留將守壺關及晉陽

隆安十一年後魏天興五年太祖征姚興次晉陽遣

左將軍莫提率眾三千討上黨羣盜秦頗丁零

都於壺關上黨太守捕頗斬之都走林慮提搜山

窮討盡平之宋將劉彥之遣其部將姚縱夫濟河

攻冶坂魏世祖慮更北入遣平南將軍公孫軌屯

壺關會上黨丁零叛軌討平之

宋元嘉二年詔於壺關大王山累石為三封又斬其北

壺關縣志

卷二 紀事

三十二

鳳凰山之南足

時望氣者言上黨有王氣窮之在此山遂累石厭之且斬其翼則前

所誅叛民或亦惑於此說也

梁大通二年魏高歡統眾就食山東舍大王山六旬而

行

初葛榮眾流入并肆二十餘萬為契胡陵暴貧極屢反雖誅之不能止余朱北患之問計於歡

歡

曰六郡反殘不可勝誅宜選心服統之有犯直罪其師將自戢兆即以屬歡時兆醉歡恐醒後事

變

即傳令部分軍士又以歲歉請就山東食從之路遇余朱榮妻鄉郡長公主自洛陽來馬三百匹

盡

奪易之兆怒自追至襄垣水漲橋斷隅水拜曰馬備山東盜耳願渡而受死則此眾便叛兆輕

渡

與歡盟留飲去歡舍大王山六旬始出號令嚴明兵勢遂盛

高歡遣高隆之據壺關

高歡將兵自壺關趨蒲津侵魏

隋改潞州復爲上黨郡以襄垣東屬改壺關爲上黨

唐武德二年劉武周取長子壺關

劉武周已據并州也

九年析上黨縣復置壺關

建中二年七月癸未河東節度使馬燧昭義節度使李抱真神策先鋒都知兵馬使李晟大破田悅於臨洛時悅攻臨洛李抱真告急於朝詔馬燧將步騎二萬與抱真討悅燧等軍未出險先遣使持書諭悅爲好語悅謂燧畏之不設備燧與抱真合兵八萬東下壺關軍於邯鄲擊悅支軍破之進軍至臨洛悅悉衆力戰大敗悅引兵夜遁邢州圍亦解

壺關縣志

卷二

紀事

三十四

宋建炎元年都統制王彥等渡河大敗金人於新鄉進次太行金人圍之彥兵潰走保其城張所使彥率岳飛等十一將部七十人渡河至新鄉金兵甚盛彥不敢進岳飛獨引所部鏖戰奪其纛而舞諸軍爭奪遂復新鄉明日又戰於侯兆川飛身被十餘鎗會食盡詣彥壁乞糧不許飛乃引兵益北與金人戰於太行山擒其將拓跋烏居數日又與敵遇飛單馬刺殺其將黑風大王金人敗走飛知彥不悅已遂帥所部復歸宗澤澤復以爲統制

嘉定十六年金上黨公張開及元兵大戰於壺關勝

之

金太和三年有大鳥集壺關之北山其羽五色爛然赭冠雞頂尾濶而修狀若魚尾高可逾人九子差小禽鳥萬數從之皆成行列首皆北向自東南來勢如連雲聲若殷雷林本振動留一日而去

元至正十七年曹州賊入太行陷冀寧大同路陝西行省左丞察罕帖木兒遣關保虎林赤擊之合上黨縣尹郭從善兵大破賊於壺關

十九年蝗禾稼草木俱盡民饑相食

明洪武四年賜壺關縣舉人郭翀進士及第

初開科也

壺關縣志

卷二 紀事

三十五

潞州遣官貢人參詔止之

上曰朕聞人參得之甚難豈不勞民今後不必

進如用當遣人自取

十三年徵壺關儒士杜敷爲太子賓客四輔官

成化十年雨雹秋無禾

宏治九年豐稔比年大稔斗粟十錢

正德六年饑薊寇由壺關南界入境至潞州雄山鄉焚掠而去

嘉靖七年饑潞城民陳卿作亂拒殺官兵合三省兵討平詔兵科給事中夏言覆功罪區處善後事宜設兵備道 州爲潞安府以州版籍置長治縣

壺關黎潞另置平順

二十二年有秋

二十九年 禾稼折枝

三十二年歲大饑訛言採選童女民間女十三四  
以上遍行婚配遠近譁然

三十四年地大震

三十五年丙辰暨丁巳戊午連歲有秋斗粟二十  
錢

三十九年庚申暨辛酉歲稍稔斗粟百錢

四十三年夏冰雹如鷄子

壺關縣志

卷二 紀事

三十六

四十五年斗米百二十錢

隆慶六年歲有秋

萬曆十六年歲稔斗粟百五十錢秋八月雹如鷄卵  
是冬米價如常

崇正五年流賊由陵川至長治南界焚掠雄山鄉及

壺關平順

初流賊紫金梁老狗等  
在河北修武

川南馬城于月初四日突至西火桑梓蔭城  
一帶焚殺甚慘蔓延壺關平順盤踞數十村鄉氏  
扶攜老幼奔避郡城壺關中登陴嚴守同知焦浴  
陽和兵至逐之後仍往來東南鄉

六年夏大旱不雨斗粟銀三錢黃山之東坡有白

上如白石脂居民取以為食持謂黃山

十三年夏大旱苗不能穗穗亦不實歲大饑冬斗米銀三錢明年春斗米銀七錢民掘草根剥樹皮以食死者不計其數人相食犬豕雞三物村落幾絕凶歲之狀未有若此之甚者

十五年六月初四日地震初八日東鄉崇賢一里冰雹如盈厚尺許邑令檢踏賑之

十七年闖賊李自成僞將劉芳亮擁兵取 安守臣先遁郡城不守入城分置僞官遣張紘至壺國朝順治四年雨雹

六年叛賊沈烈許守信喬炳胡國 稱姜瓖兵

壺關縣志

卷一 紀事

三十七

寇屯留遣僞官胡宓至壺

交城賊乘大同總兵姜逆之亂動潞汾詐稱

姜總兵

八年雨雹大如拳黃山迤南一粒未收亦異常之災也

十三年大旱饑斗粟千錢

十四年巡撫白如梅疏免潞屬荒亡地丁錢糧

十五年五月雨雹

十六年四月雨雹

康熙四年雨雹傷禾勘查免糧有差

七年冬十月雨雹

十五年雨雹傷稼

十八年八月望日大雨至九月望日方止官舍民房傾塌無數城垣倒頽殆盡知縣章經修築完固  
雍正九年黃野齊村民馬之妻李氏一產四男

乾隆二十九年奉部文裁汰平順縣以十里甲分歸  
壺關

四十三年七月嚴霜隕禾饑

五十年饑

五十七年饑

六十年歲大稔

壺關縣志

卷二 紀事

三十八

嘉慶十年歲大饑斗米八百八十錢麵百斤五千五百錢

十一年六月二十九日雨雹大如鷄卵狼傷人無數白晝傷人路途往來各帶器械防身縣令程率同城官吏虔禱城隍及當山土地諸神其患始息  
十五年七月初五日學宮槐樹無故自焚其臭異常內有枯骨無數

十八年十二月十九日地震是年河南滑縣不靖自九月至十一月壺關河郊口玉峽關等處戒嚴  
邑令汪請兵團練鄉勇防禦凱旋後 邑爲

靖蒙 匾額於大堂

二十年有狼患邑令汪率同城官吏虔禱志息

二十一年狼爲患署縣令顧率同城官吏虔禱旋息

二十五年四月二十九日大風折木秋大雨民房傾塌甚多魁樓前岸崩樓上四柱懸空邑士工修理岸外復砌以石高二丈餘或謂城柱空懸而樓未傾亦神奇也碑載藝文

道光五年雨雹傷禾

六年西域喀什噶爾不靖奉文購鮮駱駝十三

壺關縣志

卷二 紀事

三十九

每隻發銀二十二兩交 沃縣侯馬鎮驗收

七年至八年歲連稔斗粟價百二十錢 百斤二千二百錢

十年閏四月二十二日地大震有聲天色昏暗官舍民房傾塌無數人民間有壓斃者四城塚俱傾後間日一震或連日頻震雨月方止縣令茹補修城垣完固

十一年冬大雪深至三四尺數月方消

十二年至十三年江南湖北大水流民男女錯雜一行或八九十人或百餘人閱過州縣訴其困苦

狀沿途村庄俱量力周濟邑令茹給散口糧飭役  
善爲護送賴以差安

十四年大有秋

附遺事

漢河東曹季友當宣帝時採藥抱犢山於岩穴中得金  
箱九都龍真經記乃武帝時河東太守張純所上者  
以示侍臣云武帝嘗玩讀遺命隨入梓宮不知何以  
至此典經郎中曰此經乃太陰鍊形之術得之上元  
夫人夫殉葬而出真異事也世傳武帝解羽化理或  
然與

府志

壺關縣志

卷二 紀事

四十

魏鍾元常名繇初與關枇杷學書抱犢山師曹喜劉得  
昇後得韋誕冢所藏書遂過於師無以爲比其源始  
於蔡中郎邕於嵩山石室中得八角垂芒之秘遂爲  
書家之祖後傳崔瑗子玉韋誕仲將及其女文姬姬  
傳繇始與關枇杷學於抱犢山繇傳庾征西翼衛夫  
人李氏及其猶子會衛夫人傳晉右將軍王羲之由  
是歷代相傳不絕於世

晉王烈與稽叔夜友善烈登抱犢山入一石室見素書  
兩卷讀之莫識其字不敢取但暗記數十字以示叔  
夜叔夜盡識之因與同往不得石室處又嘗上太行



山聞山裂如震聲響視之石裂中有青泥流出如髓  
九之即凝如粳米乃合數丸歸示叔夜已成青石矣  
亦與同往山合如故烈私語弟子曰叔夜未合得道  
故也

隋書五行志開皇中上黨有人宅後每夜有人呼聲求  
之不得去宅一里許但見人參一本枝葉俊茂因掘  
去之其根五尺具人體狀呼聲遂絕

唐苗晉卿困於名場一年似得復落第春景暄妍策蹇  
驢出都門貰酒一壺藉草而坐醺醉而寐久之既覺  
有老父出其旁因揖叙飲以餘杯老父愧謝曰郎君

壺關縣志

卷二 紀事

四十一

縈悒恥寧要知前事耶苗曰某應舉已久有一第分  
乎曰大有事但更問苗曰某困於窮變一郡寧可及  
乎曰更向上曰廉察乎曰更向上苗公乘醉猛問曰  
將相乎曰更向上苗怒全不信因肆言曰將相上天  
子乎老父曰真者即不得假者亦得苗都以爲怪誕  
揖之而去後果爲將相及德宗昇遐攝冢宰三日

幽  
間鼓吹

張延賞夫人苗氏父晉卿宰相翁嘉貞宰相夫延賞以  
節度使拜相子宏靖宰相壻韋臯以宰相兼西川節  
度自古婦人之貴無如張夫人者

後梁開平二年使其將李思安攻潞州營 壺關伐木  
爲柵破一大木木中朱書文六字曰天十四載石遲  
思安表上之其羣臣皆賀以爲十四年必有遠夷貢  
稱寶者其司天少監徐鴻獨謂其所親曰遲右無之  
字爲犀號者上天符命豈缺文乎吾以爲丙申之歲  
當有石氏王此地者移四字中兩豎畫置天字左右  
即丙字也移四字外圍以十貫之即申字也後至丙  
申歲晉高祖以石姓起并州如鴻言

稽神錄

壺關栢林西山有古北極祠幽僻人不敢夜入郭翀未  
第時與友人賈敏李素約取神笏二友先令人潛神

壺關縣志

卷二 紀事

四十一

座後恐喝翀其人忽聽神云郭狀元借笏翀至取笏  
見神立授之後翀開科臚唱第一及登殿太祖從燭  
影下見其眇曰真榜眼因易第二名人猶稱郭狀元  
云

風扇娘娘廟在清流村東有地不盈一尺以石擊之地  
下有聲如鷄亦異事也